
Fra: Garen Ingelin <ingelin.garen@vegvesen.no>
Sendt: fredag 11. desember 2020 14:44
Til: risu@framo.no
Kopi: Postmottak Alver; VESTLAND FYLKESKOMMUNE; Lillebø Sindre; Oppedal Tone Margrethe
Emne: Vedrørende vurdering av motsegn til reguleringsplan for Framo Flatøy Alver

Hei,

Viser til vår uttale med motsegn av 31.08.2020, dialogmøte avholdt 13.11.2020, samordna uttale med motsegn frå Fylkesmannen i Vestland av 26.11.2020 og telefonsamtale i etterkant.

I samordna uttale med motsegn frå Fylkesmannen i Vestland er vår motsegn oppsummert:

«Statens vegvesen har varsla motsegn i brev av 31.08.2020. Motsegna deira er knytt til Statens vegvesen si rolle som forvaltar av riksveg. Statens vegvesen vurderer at planframlegget er i strid med nasjonale interesser då det vert lagt opp til ei løysing som er i konflikt med Statens vegvesen sitt framlegg til kommunedelplan E39 Flatøy - Eikefettunnelen. Statens vegvesen meiner arbeid med reguleringsplan for Framo Flatøy må vente til det er vedtatt ny trasé for KDP E39 Flatøy - Eikefettunnelen og arealbehovet knytt til denne planen er avklart. Vi viser elles til uttale frå Statens vegvesen i sin heilskap.»

I etterkant av dialogmøte, og uttalen med motsegn frå Fylkesmannen i Vestland blei gitt, har Statens vegvesen vurdert saka nærare, og sett kva for som er naudsynt for at vi skal fråfalle vår motsegn til planen. Planframlegget som vart lagt ut til offentleg ettersyn er i strid med nasjonale interesser, gjennom at tiltaket i planen er i konflikt arealbehov for framtidig utvikling av E39 på Flatøy.

Dersom Statens vegvesen skal vurdere å trekke vår motsegn er vi opptatt av at planframlegget sikrar areal til framtidig utvikling av E39, med tilhøyrande sekundærvegar og gang- og sykkeltilbod, og at det i planframlegget for Framo Flatøy vert lagt inn ei byggegrense på 100 meter frå senterlinja på eksisterande E39. Nye bygningar som er foreslått i framlegget innanfor denne sona må også takast ut av planframlegget.

Når det gjeld vidare avklaringar og problemstillingar knytt til konkrete løysingar for tilkomsten til Framo Flatøy, og utforming av kryssområdet/kollektivterminal i fv. 564, er dette noko som avklarast nærare med vegeigar Vestland fylkeskommune.

Om tiltakshavar og Alver kommune vurderer det som ei akseptabel løysing regulere ei byggegrense langs E39, jamfør vår vurdering over, og vidare dialog med Vestland fylkeskommune fører fram til ei endring av planen, ber vi om at vi får eit justert planframlegg oversendt til uttale før slutthandsaming.

Med helsing
Ingelin Garen

Statens vegvesen, Transport og samfunn
Transport vest, Transportforvaltning vest 3
Kontoradresse: Nygårdsgaten 112, Bergen
Mobil: +47 55 51 63 45 **epost:** ingelin.garen@vegvesen.no
www.vegvesen.no **epost:** firmapost@vegvesen.no

